



Cylchlythyr

Ysgol 3-16 Tyddewi

5 Ebrill 2017

Croeso i'r ail cylchlythyr sy'n ymwneud a'r ysgol 3-16 newydd ar gyfer penrhyn Tyddewi. **Er gwaethaf rhywfaint o ddyfalu i'r gwrthwyneb, rydym yn dymuno eich sicrhau na fydd Ysgol Dewi Sant yn cau cyn Medi 2018, sef yr amser pan fydd yr ysgol 3-16 newydd yn dechrau.** Tan yr amser hynny, ein nod yw sicrhau y bydd disgyblion, rieni, llywodraethwyr a staff yn cael gwybod am y datblygiadau hyd yr amser hwnnw.

Corff Llywodraethu Dros Dro

Mae corff llywodraethu dros dro yr ysgol newydd bellach wedi'i sefydlu. Rhestrir aelodau'r corff dro dro a'u mathau yn y tabl isod, gyda Mr David Halse a Mrs Lindsey-Anne Richards wedi eu ethol yn Gadeirydd ac Is-gadeirydd yn y drefn honno.

Mae'r corff dros dro wedi dewis i symud ymlaen gyda recriwtiad cenedlaethol ar gyfer pennaeth gan obeithio cyhoeddi'r hysbysiad swydd erbyn Pasg 2017.

Enw	Math o Lywodraethwr
Canon Dorrien Davies	Sylfaen
Mrs Rosemary Davies	Sylfaen
Rt Revd Wyn Evans	Sylfaen
Mrs Bethan Goodson	Sylfaen
Mr James Harris	Sylfaen
Mrs Glenys James	Sylfaen
Mrs Jennifer Kitchell	Sylfaen
Mrs Brenda Lloyd	Sylfaen
Mrs Katherine Pearce	Sylfaen
Mr Stephen Probert	Sylfaen
Miss Moyra Skenfield	Sylfaen
Mr Oliver Waterer	Sylfaen
Cllr David Halse	Awdurdod Leol
Ms Heidi Holland	Awdurdod Leol
Mrs Kathryn Docker	Rhiant
Mrs Lindsey-Anne Richards	Rhiant
Mrs Denise Ingram	Staff
Mrs Josephine Jones	Athro/Athrawes
Mrs Rachael Thomas	Athro/Athrawes



Ysgol Dewi Sant



Ysgol Gymunedol Solfach

Ysgol Gymunedol Solfach—

Ystafell Ddosbarth symudol

Mewn perthynas â safle Solfach, rydym yn falch bod Awdurdod Parc Cenedlaethol Arfordir Sir Benfro wedi rhoi ei ganiatad i ymestyn y caniatad cynllunio ar gyfer yr ystafell ddosbarth symudol am bum mlynedd arall, h.y. tan Ionawr 2022. Mae hyn yn newyddion arbennig gan y bydd y corff llywodraethu dro dro yn medru cynllunio ar gyfer yr ysgol newydd ar sail yr adeiladau presennol.

Datblygiad Ysgol — Safle Ysgol Dewi Sant

Ar 21ain Fawrth 2017, cyflwynodd y Cyngor y datganiad canlynol i aelodau corff llywodraethu Ysgol Dewi Sant:

Fel rhan o'i Rhaglen Ysgolion yr 21ain Canrif, mae'r Cyngor yn y broses o ddatblygu cynllun fydd yn deillio mewn ail-ddatblygiad rhannol o safle Ysgol Dewi Sant. Mae'r cynllun a ffefrir yn golygu dymchwel un bloc ysgol presennol gyda adeilad newydd pwrpasol i gymryd ei le; bydd hwn yn golygu rhesymoli capasit'r ysgol a nodwyd fel rhan o'r achos gwreiddiol ar gyfer newid yn Nhyddewi, sef cael gwared o lleoedd dros ben.

Fodd bynnag, er mwyn cynnal y gwaith yma mae'n rhaid ystyried sut bydd yr ysgol yn gweithredu yn ystod y cyfnodau dymchwel ac adeiladu. Byddwch yn ymwybodol o natur y safle a'i fod yn rhy gyfyng i medru cynnig llawer o hyblygrwydd. O ganlyniad, mae'r Cyngor yn ystyried nifer o opsiynau i adleoli disgyblion, gan gynnwys ail-leoli i safle ysgol arall. Wrth ystyried yr opsiynau yma, mae'r Cyngor yn ymwybodol o'r angen i leihau aflonyddwch ac i sicrhau diogelwch y disgyblion a'r staff.

Mae'r Cyngor yn trafod y posibilrwydd o ddefnyddio rhan o safle ysgol Tasker Milward yn Hwlfordd—yr ydym wedi cynnal rhai trafodaethau cynnar â Ymddiriedolwyr Tasker Milward a Picton a'r pennaeth. Mae nifer o faterion ymarferol wedi cael eu nodi a bydd angen eu datrys cyn gwneud penderfyniad.

Sylwer nad oes penderfyniad wedi'i gwneud ar y mater yma ond rydym yn cynnal trafodaethau cynnar er mwyn deall a datrys yr anawsterau.

Croesawn sylwadau'r corff llywodraethu.

Yn dilyn y datganiad uchod, roedd yna dipyn o cam-ddyfalw yn y gymuned ac ar y cyfryngau cymdeithasol o fwriad y Cyngor ynglyn a'r ddarpariaeth Addysg yn Nhyddewi. Mae'r Cwestiynau ac Atebion sy'n dilyn wedi eu paratoi er mwyn tawelu ofnau ac i egluro'r broses sy'n cael ei cynnal.

Mae nifer o opsiynau yn cael eu hystyried ar hyn o bryd a bydd rhain yn cael eu rhannu â'r corff llywodraethu dros dro a chorff llywodraethu Ysgol Dewi Sant cyn gofyn iddynt am y ffordd ymlaen sy'n ffafrio orau.

Ailddatblygiad rhannol o safle Ysgol Dewi Sant

Cwestiynau ac Atebion cyffredin a godwyd yn dilyn datganiad a baratowyd i

Gorff Llywodraethol Ysgol Dewi Sant ar 21 Mawrth 2017

Eitem	Cwestiwn / Mater	Ymateb
1.	Mae'r Cyngor eisiau cau Ysgol YDS yn barhaol Byddai'n beth gwbl ffaidd a gwarthus petai dinas diwylliant 2021 yn cael ei gweld fel dinas sy'n brin o ddiwylliant addysg. Bydd pryder mawr o fewn y gymuned fod hon yn dric a'u bod yn colli eu hysgol, ac felly credaf fod potensial i rai/llawer o rieni adael a gosod eu plant mewn ysgolion gwahanol.	Mae'r Cyngor a Llywodraeth Cymru wedi cymeradwyo cynlluniau i gael ysgol newydd 3-16 ar gyfer Penrhyn Tyddewi, ac mae pwyslais y gwaith presennol ar adeiladu rhannau newydd i'r ysgol, a fydd yn sicrhau hyfywedd hir dymor ac yn darparu addysg y 21 ganrif. Nodyn atgoffa - mae'r sefyllfa mewn perthynas â threfniadaeth ysgolion ym Mhenrhyn Tyddewi fel a ganlyn: 1. Cau Ysgol Dewi Sant, Ysgol Wirfoddol a Reolir Bro Dewi ac Ysgol GG Solfach ar 31 Awst 2018; 2. Sefydlu ysgol newydd Wirfoddol a Reolir yr Eglwys yng Nghymru 3-16 ar 1 Medi 2018 gan ddefnyddio safleoedd yr ysgolion presennol; 3. I gynnig darpariaeth Ôl-16 ar gyfer yr ysgol uchod mewn canolfan chweched dosbarth fel rhan o'r cydweithrediad ffurfiol rhwng Cynfor Sir Penfro a Choleg Penfro.
2.	Bydd YDS ar gau am flwyddyn.	Na fydd! - Bydd Ysgol Dewi Sant yn parhau ar agor tan 31 Awst 2018, ac yna bydd yn cau fel rhan o weithrediad yr ysgol 3-16 newydd. Bwriedir i'r ysgol barhau ar agor: mae'r dull o gwblhau'r gwaith ailddatblygu'n cael ei adolygu, ac mae'n debygol iawn y bydd unrhyw opsiwn yn amharu ar fannau dysgu, a'r angen am ryw fath o reolaeth. Oherwydd natur aflonyddgar rhannau o'r gwaith, mae'r Cyngor yn ystyried y posibilrwydd o symud oddi ar y lleoliad. Byddai'r opsiwn radical hwn yn cadw'r ysgol ynghyd yn ei hanfod.
3.	Mae'r Cyngor yn ystyried symud disgyblion o Ysgol Dewi Sant i ysgolion eraill yn Sir Benfro yn dilyn adnabod yr hyn a ddisgrifir fel 'mater iechyd a diogelwch'.	Na! - Mae gan yr ysgol asbestos mewn rhannau o'r adeilad; mae hyn wedi bod yn hysbys am amser hir ac wedi'i reoli'n gywir yn unol â'r gofynion presennol, ac yn ddiogel. Nid yw'r disgyblion yn cael eu hamlygu i'r asbestos. Mae'r syniad o ystyried symud ond yn dod ar draul ystyried sut i adeiladu elfen newydd sylweddol i'r ysgol. Mi fydd yr amhariadau a achosir gan y gwaith adeiladau yn golygu y byddai'r opsiwn symud yn un gwerth chweil.

4.	Wedi brawychu na fu ymgynghoriad er mwyn trafod hyn gyda disgyblion a rhieni. Mae'r diffyg tryloywder a thrafodaeth yn bla brawychus ar yr "ymddiriedaeth" a oedd yn cael ei adeiladu.	Mae'r drafodaeth gyda'r Corff Llywodraethol (CLI) yn gam yn y broses ymgynghori ac ni fwriedir rhwystro unrhyw drafodaeth. Fodd bynnag, nid yw'r prosesau dan sylw yn rhai syml, er enghraifft, dylai CLI yr Ysgol newydd oruchwylio'r cynllun parhaol. Ond, yn y cyfamser, y CLI presennol sy'n gyfrifol am yr ysgol bresennol. Yn ychwanegol, er mwyn cynnig y wybodaeth sydd ei hangen ar randdeiliaid, rydym angen ymgymryd ag ychydig o ddiwydrwydd dyladwy (fel siarad â Tasker Milward). O'r herwydd, nid oes gennym yr holl atebion yn eu lle, ond rydym yn rhannu'r hyn a wnawn gyda phobl mewn da bryd er mwyn bod yn rhan o'r broses honno. Nid diffyg ymrwymiad ydyw, ond cynnwys pobl cyn gynted ag y medrwn, a hynny trwy fod yn onest a thryloyw.
5.	Sut y mae disgwyl i Gorff Llywodraethol y dyfodol reoli'r safleoedd o leoliad cwbl estron sydd heb fod yn rhan o'r cynllun o'r diwrnod cyntaf?	Bydd y Corff Llywodraethol presennol yn rheoli'r ysgol hyd at Fedi 2018, ac felly hefyd dros y cyfnod pontio tra bod yr adeiladu ar waith. Os penderfynir symud disgyblion a staff am gyfnod dros dro i safle Tasker Milward, bydd Ysgol Dewi Sant yn parhau fel un, ac yn cael ei harwain gan Gorff Llywodraethol Ysgol Dewi Sant a'r Pennaeth.
6.	Awgrymaf yn gryf na fydd y cyfuniad sydd ohoni yn medru digwydd gyda'r datblygiad hwn ar y gweill.	Mae'r trefniadau statudol mewn lle, a bydd yr ysgol newydd yn cael ei sefydlu ym Medi 2018. Mae Corff Llywodraethol dros dro wedi'i apwyntio ac yn gweithio tuag at oruchwylio'r trefniadau hanfodol.
7.	Dylai pob disgybl blwyddyn 7 sydd i fod i gychwyn yn YDS yn Hydref 2017 fynd i Ysgol Bro Dewi, a chymhathu'r dosbarth fel 'ysgol ganol'. Credaf fod anfon plant i Hwlfordd yn annerbyniol, yn dilyn llwyddo i sicrhau Y Garn a Chroes-goch, mae'r golled posib o ddisgyblion yn rhy beryglus. Dylai gweddill y disgyblion, os yn bosib, aros ar gampws YDS trwy gydol 2017/2018, ond dylid gosod dosbarthiadau dros-dro neu debyg yn y maes parcio ar flaen yr ysgol ac yn ymuno â'r ysgol. Gellir adleoli parcio staff i'r caeau chwarae ar draws y ffordd, ond gallai bysiau barhau i gyrraedd yn rhan flaen maes parcio'r ysgol.	Ystyriwyd y syniad, ond teimlwyd y byddai gwahanu'r ysgol hefyd yn niweidiol i gydlynid yr ysgol a'r dysgu. Ystyriwyd hyn, ond byddai'n golygu llai o le i barcio (y gellid ei ddarparu ar y caeau chwarae cyferbyn) a'r angen am ddelio â man casglu a gollwng i'r bws. Mae hyn yn amhariad ynddo'i hun, ond mae angen ystyried manylion llawn yr amhariad cyfan. Hoffem sicrhau bod cost trefniadau dros dro o'r fath wedi'u lleihau er mwyn sicrhau y cyfeirir arian cyfalaf tuag at yr adeilad.

8.	Dylai'r adeilad ysgol ei ddymchwel a'i waredu, os ydy hynny'n bosib, o fewn amserlen misoedd gwyliau'r haf 2017, ac os oes angen wythnosau ychwanegol bob ochr i'r gwyliau i gwblhau'r gwaith, yna gellir ystyried hynny, ac osgoi unrhyw faterion iechyd a diogelwch.	Ystyrir gall dymchwel yr adeilad addysgu gymryd hyd at 20 wythnos, oherwydd cael gwared â'r asbestos, felly ni fyddai'n bosib ei gwblhau mewn cyfnod gwyliau ysgol. Hyd yn oed pe byddai hyn yn bosib, byddai peryglon iechyd a diogelwch sylweddol yn parhau gyda threfniadau'r adeilad newydd, a byddai angen mesurau lliniaru sylweddol.
9.	Os byddai angen, gellid cwblhau'r adeilad mewn camau	Byddai hyn yn ymestyn amserlen yr adeilad newydd gryn dipyn, ac yn ychwanegu hyd yn oed mwy o amser i gyfanswm yr amhariad; ni chefnogir y syniad. Fel rhan o Fand A o Raglen Ysgolion 21 ^{ain} Ganrif y Cyn-gor, byddai angen i'r prosiect fod wedi'i gwblhau erbyn Ebrill 2019.
10.	Yn ymarferol, gall cerbydau, dosbarthiadau, defnyddiau sy'n gysylltiedig ag adeiladu'r adeilad eu cyfeirio at faes parcio'r Ganolfan Hamdden, ac felly nid yw'n gwrthdaro â materion diogelwch.	Yn anghytuno. Byddai dal angen gofyn i symud disgyblion i'r cyfleusterau chwaraeon yn y gampfa a chaeau chwarae, a hefyd i'r Bloc Technoleg yng nghefn y safle. Yn ychwanegol, byddai'r trefniadau dros dro yn debygol o arwain at orfod adleoli'r parcio a'r mannau casglu a gollwng am y bws, eto'n ychwanegu peryglon a fyddai angen eu lliniaru.
11.	Mae plant yn wydn iawn ac yn medru addasu; mae newidiadau yn anochel, ond nid wyf wedi 'mherwadio fod symud ysgol gymunedol gryf o'u hardal yn syniad da, ar nifer o lefelau.	Wedi'i nodi - ond dyna pam fod diwydrwydd dyladwy yn parhau ar hyn o bryd er mwyn adolygu'r opsiwn symud.
12.	Credaf y bydd yn rhoi straen anferthol ac ansicrwydd ar y staff.	Wedi'i nodi - ond dyma fyddai'r achos gyda threfniadau dros dro ar leoliad; efallai'n fwyfwy, yn nhermau amhariadau ar ddysgu gwersi. Dyma fyddai'r achos hefyd petai'r ysgol wedi'i gwahanu e.e. os byddai disgyblion blwyddyn 7 yn cael eu dysgu ar wahân.
13.	Dwi'n poeni bydd y straen o ailosod plant i amgylchedd newydd 15 milltir i ffwrdd, yn cael effaith negyddol ar eu hyder. (Ni chredaf y gellir gwneud cymhariaeth rhwng plant sy'n dewis teithio i YDS o du allan y dalgylch gyda'r rhai sy'n dewis peidio mynd allan o'r dalgylch)	Wedi'i nodi - fodd bynnag byddai'r ysgol yn parhau fel Ysgol Dewi Sant. Byddai gan y disgyblion eu hathrawon presennol, serch eu bod ar safle gwahanol.

14.	Credaf y bydd yn cryfhau'r ymdeimlad o 'ein hysgol ni' ac felly byddwn yn aros a gwneud yn siŵr y bydd yn iawn. Credaf yn gryf ei bod yn well peidio symud y disgyblion am flwyddyn gyfan, i leoliad hollol wahanol. Credaf ei bod yn well iddynt aros yn Nhyddewi ac wynebu'r sialensiau, os yw'n ymarferol bosib. Os symudant, credaf y bydd yn achosi ansicrwydd ar ran y rhieni a'r disgyblion. Bydd yr adleoliad yn tarfu'n enfawr ar addysg y plant ar amser tyngedfennol yn eu datblygiad.	Wedi'i nodi – ond bydd disgyblion a staff yn dod ar draws amhariadau sylweddol pe arhosant ar safle YDS tra bod y gwaith dymchwel ac adeiladau yn digwydd. Ystyrir yr opsiwn symud am ei fod yn ateb nifer o'r prydoron iechyd a dioglewch, yn cadw'r ysgol yn un, ac yn lleihau'r cyfnod adeiladu yn gyffredinol.
15.	Ni anfonir myfyrwyr mewn ysgolion a cholegau eraill i ffwrdd yn ystod ailadeiladu unedau, yn hytrach mae'r sefydliad wedi addasu ar gyfer unrhyw sefyllfa dros dro. Felly yn realistig, gellid rheoli hyn yn YDS	Yn anffodus, mae'r safle yn gyfyngedig iawn, ac mae effeithiau'r opsiwn adeilad newydd arfaethedig ar y safle cyfyng yn cynnig ei hun tuag at yr opsiwn symud.
16.	Mae'n annheg ac yn anghyfiawn rhoi cyn lleied o rybudd i rieni a phlant. Nid wyf yn dadlau na'n cwestiynu'r ddadl dros ac yn erbyn y newidiadau arfaethedig i addysg yn yr ardal, ond rwyf wedi digio am ein bod wedi derbyn cyn lleied o rybudd.	Mae ad-drefniant yr ysgol wedi bod yn bwnc trafod llawer ymgynghoriad ffurfiol yn barod. Nodwyd fel rhan o'r ad-drefniant y byddai buddsoddiad cyfalaf yn yr ysgol newydd. Nid yw wedi bod yn bosib symud ymlaen gyda'r cynllunio, o ystyried y broses ymgynghori statudol blaenorol, yr angen i gadarnhau arian cyfatebol gan yr Esgobaeth, a'r angen i roi corff llywodraethol dros dro mewn lle. Derbyniwn fod yr amserlen yn dynn, ond dyma gyfle i foderneiddio'r ysgol a chyfleusterau'r 21^{ain} ganrif, ac mae wedi'i seilio ar broses sydd wedi bod ar gael i'r cyhoedd ers peth amser bellach.
17.	Mae'r cyngor yn nodi yn y llythyr isod 'Nodwch os gwelwch yn dda nad oes penderfyniad wedi'i wneud ar y mater hyd yma ac mai ond trafodaethau rhagarweiniol sy'n cymryd lle.' Felly, mae'r cyngor yn cyfaddef ei fod yn ystyried prosiect adeiladu enfawr a fydd yn aflonyddu llawer ar y disgyblion, ond nid ydynt wedi cadarnhau unrhyw gynllun er bod ond ychydig fisoedd i fynd cyn cychwyn y gwaith. Ai dyma, mewn gwirionedd, sut y dylai cyngor sir ymgymryd â gwneud rhywbeth? Os nad yw wedi'i gadarnhau yna gellir ei ohirio. Onid yw hi'n ddyletswydd ar y cyngor i ddarparu mwy o rybudd na 5 mis?	Er mwyn ymgymryd â diwydrwydd dyladwy, mae'n hanfodol cychwyn trafodaethau gydag amrywiaeth o gyrff a phobl. Mae hyn yn cael ei wneud yn dryloyw. Fodd bynnag, mae'n parhau'n hanfodol i wneud ychydig o waith datblygu cynllun, er mwyn sicrhau bod y cynllun cyfan yn aros ar amser; gwneir hyn mewn perygl, yn ddibynnol ar y penderfyniad terfynol i symud. Petai'r cyngor wedi datblygu cynigion llawn a therfynol, ac wedi'u cyflwyno, byddem yn cael ein cyhuddo o <i>fait accompli</i> - trwy ddefnyddio'r broses hon, rydym yn ceisio trafod yn agored, a chyn gynted â phosib, wrth geisio darparu gwelliannau yn ogystal. Nac ydi. Mae gan y Cyngor ddyletswydd i sicrhau bod diwydrwydd dyladwy wedi'i roi er mwyn lleihau'r aflonyddwch ar yr ysgol. Mae'r Cyngor yn rhannu'r wybodaeth a rhanddeiliaid, ac yn ceisio cydweithio gyda'r ysgol a'r gymuned er mwyn symud y prosiect yn ei flaen.

18.	Mae'r plant ond yn cael un cyfle mewn bywyd, sefydlogrwydd sydd ei angen arnynt, nid ymyrraeth, er mwyn sicrhau'r canlyniadau gorau. Mae Cyngor Sir Penfro yn ein siomi. Mae'r cyngor yn methu â darparu fy mhlant gyda sefydlogrwydd ac addysg o safon.	Wedi'i nodi - yr holl bwrpas tu cefn i ail-drefnu addysg y penrhyn ac ailddatblygiad safle YDS yw codi safonau. Mae'r Cyngor a Llywodraeth Cymru wedi cymeradwyo sefydlu ysgol newydd 3-16 ar gyfer penrhyn Tyddewi. Yn rhan o hyn, mae'r Cyngor yn ystyried opsiynau sy'n ei ategu, ac sydd am gynnal neu wella'r perfformiad cyfredol.
19.	Nid oes sicrwydd am y £4 miliwn o fuddsoddiad.	Mae'r arian ar gyfer y prosiect a ffefrir mewn lle fel rhan o Band A y Rhaglen Ysgolion 21ain Canrif— ariennir y prosiect hyd at £4 miliwn. Mae gennym gynllun ac mae hwnnw'n cynnwys dymchwel adeilad presennol cyn codi adeilad newydd; ond fel rhan o'r cynllun rhaid ystyried ad-leoli disgyblion.

Anfonwch unrhyw cwestiynau sy'n deillio o'r cylchlythyr yma at:

Huw Jones
Derbyniadau a Cynllunio Llefydd
Neuadd y Sir
Hwlfordd
SA61 1TP

01437 764551
Huw.jones@pembrokeshire.gov.uk